

» cerco l' intiera preservazion dell' autorità del senato, della dignità
 » dell' eccelso, e della libertà del Mazor Conseggio. La Signoria la
 » propona quel che la vol, ma no la vegna con una proposizion che
 » dà e che tol. Tutte le nazioni ga i so caratteri distintivi. La nostra
 » ha mostrà de ingelosirse, ogni qual volta a un corpo solo ghè
 » stada dada troppa autorità. Le ghe ne dà troppa e nell' istesso
 » tempo le ghe diminuisse la dignità. El carattere de una libera
 » nazione ze de dar a tutti i corpi quel che convien. Perchè conve-
 » gna, ga da esser el concerto politico. Son inquieto, perchè no
 » propono? Propono quando oppono e condanno. De più non posso
 » dir, perchè, se più disesse, me se formerave un delitto. Che sia
 » proposto coerentemente al comando e vada la deliberazion ai ri-
 » spettivi corpi. Quel che ze de senato, sia del senato; quel che ze
 » dell' eccelso Conseggio de Dieci, sia del Conseggio de Dieci, e
 » quel che ze del serenissimo supremo Mazor Conseggio, sia del
 » serenissimo supremo Mazor Conseggio. Se fosse lecito ai soli po-
 » litici de parlar, la repubblica sarave dei soli politici, ma non dei
 » zelanti. Parlo da cittadin zelante, conoscitor della costituzion e
 » dell' autorità dei corpi. Ze mia ambizion el conservar l' autorità, la
 » dignità, el decoro dell' eccelso Conseggio de Dieci. »

Scese dall' arringa il Pisani e vi risali il Foscari, a cui, per la
 sua carica di consigliere, toccava venire alla conclusione dell' affare.
 Egli adunque parlò così:

• Convien dir del gran zelo, che anima sto cittadin. Mi go una
 » massima, ch' esposta una volta la mia opinion la lasso al giudizio
 » dei altri, nè oso crederme sì superior a loro de lusingarme de
 » persuaderli o de sedurli. El dise, che tutti i stati ga la so politica
 » e i so caratteri: mi no go negà questo: ho dito, che senz' arte
 » politica no se pol trattar sta sorte de affari. El credito dei magi-
 » strati ze la prima base del governo. El se impegna in una gran
 » cosa, non posso comprometterme de tanto. El dise, che ghe ze
 » nota tutta la costituzion. Non posso impegnarme de aver letto tutti